

Caso Demei ta sigui broei:

AMPARO DOS SANTOS A BOLBE CURAÇAO

ORANJESTAD (AAN): Ora cu hopi hende a kere cu caso Demei a yega su fin y cu mester a djijs sinta warda e caso den apelacion, ata ayera e caso Demei ta haya otro buelta inespera.

Un di e personanan cu

tabata fugitivo den e caso Demei y kende husticia na hermana isla Curacao no por a haya pa interroga, a bolbe Curacao ayera merdia cu vuelo di ALM.

Ta trata aki di e testigo clave

den caso Demei; señor Amparo Dos Santos.

Ministerio Publico na Curacao tabata buscando pa loco e persona Amparo Dos Santos pasobra segun autoridadnan na Curacao, Amparo por a suministra nan cu informacionnan valioso pa asina nan completa e caso Demei.

For di e momento cu detencionnan a cuminsa cay na Curacao relaciona cu e caso Demei, Amparo Dos Santos a lanta su bela bay Republica Dominicana, caminda e tabata kedando te cu ayera ora cu el a bolbe Curacao.

Durante cu e caso Demei tabata andando, un radio emisor na Curacao a logra di haya un entrevista cu Amparo Dos Santos for di Republica Dominicana, caminda Amparo a duna algun informacion relaciona cu e caso.

Awor ta bay bira sumamente interesante pa haya sa ta kico Amparo Dos Santos ta bay declara na Ministerio Publico.

Tabata straño cu awor diripiente Amparo ta bolbe Curacao sabiendo cu husticia

por dal man riba dje?

Ayera caba tabata circula rumornan cu Amparo lo a haci deal cu Ministerio Publico na Curacao pa e por bolbe sin cu e worde deteni.

Segun informacionnan haya di Curacao, Amparo a dicidi di bolbe Curacao basando su mes riba sentencia di Beto Arends den e caso Demei pasobra Huez no a sentencia Beto pa Omkoperij di un ambtenaar pasobra nan no por a prueba esaki segun ley artikel 183 na Curacao.

Si Beto no a worde sentencia pa omkoperij, anto nan no por detene Amparo Dos Santos pa e mesun acto den e mesun caso?!

Na prome instancia e noticia a yega ayera di Curacao, cu Amparo Dos Santos lo a entrega su mes na autoridadnan ora cu el a yega Curacao, pero esaki no tabata e caso.

Segun informacionnan haya di Curacao, Amparo a ser busca na aeropuerto door di su abogado y el a bay su cas pa awe durante dia e bay na Ministerio Publico pa duna cuenta.

Na ningun momento tabata tin cuestion di entregamento di Amparo Dos Santos na autoridadnan y menos detencion di parti di autoridadnan.

Ayera no tabata tin reaccion di parti di Ministerio Publico riba bolbemento di Amparo na Curacao, pa motibo cu ayera den fin di siman tabata dificil pa haya reaccion oficial di e departamento aki, pero awe durante dia Ministerio Publico lo mester bay fiha nan posicion y dicidi kico nan ta bay haci cu Amparo Dos Santos.

Durante dianan venidero e caso Demei lo bolbe lanta cabez na Curacao y por bien ta segun informacionnan haya di Curacao, cu mas detencion por cay pasobra e caso no a keda cla ainda y aparentemente no tabata trata di tele comunicacion so cu autoridadnan tabata tin sospecho di corrupcion riba dje, pero mas asunto di corrupcion gubernamental.

Amparo Dos Santos a pasa 8 luna na Republica Dominicana prome cu el a bolbe Curacao ayera.

DOS PASAHERO GARA CU CANTIDAD DI COCAINA

ORANJESTAD (AAN): E dianan aki traficantenan di droga ta ricibiendo golpi tras di otro. Den transcurso di siman pasa dos homber a trata di burla di autoridad na Aeropuerto Internacional di Aruba. Un palo formal e dos pasaheronan aki a haya.

Un di nan a yega for di Venezuela y tabata na punto pa aborda su siguiente avion pa Hulanda. Mucho leu e no a yega ya cu durante di e control a haya den su maleta rand-rand di droga. Mesora e homber naci na Colombia, funcionario of empleado di un compania di turismo operando na "Isla di Margarita" a worde deteni y entrega na Polis, mientras su maleta a worde confisca.

Tambe tabata tin un pasahero Spaño, cu a caba di yega for di Colombia. E tambe den su poder a worde haya cantidad di puero blanco. Apesar cu el a trata di evita cu autoridad por a haya esaki ya cu el a sconde esaki di tal forma y tog e no a scapa for di e man di autoridad. Aki tambe e homber Spaño a worde transporta pa Warda di Polis, na unda Departamento Anti-Droga lo profundiza mas aleu den e investigacion.

Un biaha mas por proba cu mas y mas e mulanan ta usa Aruba como trampolin pa bay tera friue (Hulanda). Esaki ta e consecuencianan cu tur parti di mundo a bira conoci cu na Hulanda Coffee Shop ta suministra droga. Tin mulanan ta bay purba nan suerte keriendo cu nan lo bay na porta di doño di coffee shop pa haci nan oferta di nan producto. Mayoria Hulandes ta contra di "Drugs toeristen",

manera nan sa worde yama cu ta for di paisnan den cercania di nan. Awor ta casi tur parti di mundo ta esta "van huizever" nan ta cana kibra drenta Hulanda ya cu e ta un pais liberal locual ta trata uso di droga. Mientras gobernantenan Hulandes ta blo check den nos cushina sin cu nan mes ta controla nan propio wea na unda e "batata" ta bira mas cayente.

KEN LO BIRA PRINS Y PANCHITO!!

